

Piffissami 5. augustimiit 24. augustip tungaanut illoqarfinnut nunaqarfinnullu tuniluuffiusunut aalajangersimasunut killilersuigallarnerit pillugit Namminersorlutik Oqartussat nalunaarutaat

Nappaatit tunillaassortut akiorniarlugit iliuutsit pillugit Inatsisartut peqqussutaanni nr. 20, 12. november 2001-imeersumi, Inatsisartut inatsisaatigut nr. 1, 1. april 2020-meersutigut allanngortinneqartumi §§ 6, 6 a aamma 12 a, 12 b kiisalu § 29, imm. 2 aamma 3 naapertorlugit uku aalajangersarneqarput:

Atuuffia

§ 1. Nalunaarut una illoqarfinni Upernavimmi, Aasianni ammalu Sisimiuni kiisalu Avannaata Kommuniani nunaqarfinni ataani taaneqartuni atuutissaq:

- 1) Tasiusaq.
- 2) Upernavik Kujalleq.
- 3) Nutaarmiut.
- 4) Nuussuaq.
- 5) Innaarsuit.
- 6) Naajaat.
- 7) Aappilattoq.
- 8) Kangersuatsiaq.
- 9) Kullorsuaq.

Imm. 2. Nalunaarutip sumi atuuffissaa pillugu imm. 1-im i aalajangersakkat Naalakkersuisut aalajangiineratigut annertusineqarsinnaapput. Taamatut aalajangiinerit Naalakkersuisut qarasaasiakkut nalunaaruteqarfianni saqqummiunneqaraangata inatsisitigut sunniuteqalissapput.

Imm. 3. Nalunaarmmi § 2-mi allassimasut minillugit Kalaallit Nunaanni Peqqinnissaqarfimmut imaluunniit katsorsaavinnut, nammineq nakorsiartarfilinnut peqatigiiffinnullunniit peqqinnissakkut allagartaqarluni sulisulinnut atuutsinnejingilaq.

Imm. 4. Nalunaarut katersunnernut, politikkut allatulluunniit isummersornissamik sunniiniarnissamik siunertalinnut atuutinngilaq.

Imm. 5. Nalunaarut eqqartuussivinnut atuutinngilaq.

Imm. 6. Nalunaarut § 2-mi allassimasut minillugit ulluunerani paaqqinnittarfinnut pisortanit namminersortunillu neqeroorutigineqartartunut, atuarfinnut, ilinniarfinnut il.il. atuutsinngilaq angerlarsimaffinni aaqqissuussanut il.il. atuutinngilaq, takuuq nappataatit tuniluutiasut pillugit inatsisartut

peqqussutaani § 22.

Imm. 7. Nalunaarut nammineq angerlarsimaffinni aaqqissusinernut il.il. atuutsinngilaq.

Imm. 8. Nunatsinni Nakorsaaneqarfik nalunaarummit immikkut akuersissuteqarsinnaavoq.

Illoqarfinnit nunaqarfinnillu pineqartunit angalanermi piumasaqaatit

§ 2. Inuit § 1-imittuniit 2-miittuniillu illoqarfinnit nunaqarfinnillu taaneqartuniit Kalaallit Nunaanni sumiiffinnut allanut angalasut Covid-19-imik tunillanneqarsimannginnertik upernarsaqqaartinnagu katerisimaarnernut, aaqqissuussanut, sammisassaqtitsinernut il.il. peqataaqquaanngillat. Matumani illup iluani, silami, pisortat inuillu katerittarnerat, aaqqissuussinerit sammisassaqtitsinerillu il.il. ilaatinneqarput.

Imm. 2. Pisortat suliffeqarfiutaanni assigisaanilu isersimanermut, inuussutissarsiortut inigisaanni tamanut ammasuni isersimanermut aamma pisortat namminersortullu utoqqarnik paaqqinnittarfiinut napparsimavinnulluunniit isersimanermut inerteqqut aamma atuutsinneqassaaq. Taamaattorli qanermut kiinnamulluunniit assiaqutit atorlugit Covid-19-imut misissortinnissaq, ulluinnarni nioqqutissanik pisiniarnissaq allallu pisariaqavissut allanit isumagineqarsinnaanngitsut isumaginissaat akuerineqarput.

Imm. 3. Inuit akiuussutissamik tamakkiisumik kapitissimasut imm. 1-imut ilanngunneqanngillat. kapitissimanermulli upernarsaatit takutinneqarsinnaasariaqarput.

Imm. 4. Meeqqat marluk inorlugit ukiullit piumasaqaammi imm. 1-imu ilaatinneqanngillat.

Imm. 5. Inuit § 1-imu pineqartut § 1, imm. 1 aamma 2-mi illoqarfitt nunaqarfiliunniit taaneqartunit angalasut ullut tallimassaanni Covid-19-imut misissortissinnaapput. Misissuinermut akissut tunillatsissimanngitsutut nalilerneqarpat, Covid- 19-imut tunillatsissimanngitsutut isigineqassaaq.

Imm. 6. Inuk Covid-19-imik nappaammut misissortinngippat imm. 1 § 1, imm. 1-imu 2-miluunniit illoqarfimmiiit nunaqarfimmilluunniit taaneqartunit angalanerit ullut 14-ini inerteqquteqarneq atuuppoq. Inuk Kalaallit Nunaannut tikinnerminit ullut 14-it sinnerlugit Covid-19-imik nappaateqarnermut ersiuteqarsimanngikkuni Covid-19-imik tunillanneqarsimanngitsutut naatsorsuutigineqassaaq.

Illup iluani aaqqissuussani il.il. peqataasinnaasut amerlassusaannik killilersuinerit

§ 3. Illup iluani aaqqissuussinerit, nalliuottorsiornerit, sammisaqtitsinerit assigisaalluunniit, inunniq 20-nik sinnerlugit peqataasussallit inerteqqutaapput.

Imm. 2. Imm. 1-ip maleruarneqarnissaata qulakkeernissaa aaqqissuussisup il.il. akisussaaffigaa.

Aaqqissuussani il.il. silami ingerlanneqartussani peqataasinnaasut amerlassusaannik killilersuinerit

§ 4. Silami aaqqissuussat, nalliuottorsiornerit, sammisaqtitsinerit assigisaalluunniit, inunniq 20-t sinnerlugit peqataasussallit inerteqqutaapput.

Imm. 2. Imm. 1-ip maleruarneqarnissaata qulakkeernissaa aaqqissuussisup il.il. akisussaaffigaa.

Ininut kikkunnilluunniit iserfigineqarsinnaasunut piumasaqaatit

§ 5. Inuussutissarsiummik ingerlatallit aamma suliffeqarfuit pisortanit pigineqartut ininik kikkunnit tamanit iserfigineqarsinnaasunik pigisallit piumasaqaatinik makkuninnga naammassinnissimassapput:

- 1) Inuit inimi sulisussat saniatigut, inuit amerlanerpaamik 20-t isersimaqquaapput. Piumasaqaat ulluinnarni niuertarfinnut atuutinngilaq.
- 2) Inuit ininut qatserisartoqarfinni oqartussaasunit akuerineqarsimasunut isersinnaatitaasut amerlanerpaaffissaasa affaannaat isersimaqquaapput, taamaattorli nr. 1 takuuk.
- 3) Inini qatserisartoqarfinni oqartussaasunit akuersissutitaqartinneqannngitsuni, natermi 4 m²-iusumi amerlanerpaamik inuk ataasiinnaaqquaavoq. Nateq 4 m²-imik mikineruppat oqaaseqatigiit siulliit apeqquaatinngit inuup ataatsip isersimanissaa akuerineqarpoq. Nateq qanoq pequteqartiginera apeqquaatinngu iikkamiit iikkamut naatsorsorneqassaaq.

Imm. 2. Imm. 1-ip maleruarneqarnissaata qulakkeernissaa inimik pigisallip akisussaaffigaa.

Tamanut angallassissutini amerlassutsinik killilersuinerit

§ 6. Tamanut angallassissutit issiaffiusinnaasut sinnerlugit ilaasoqaqqusaanngillat.

Imm. 2. Imm. 1-ip maleruarneqarnissaata qulakkeernissaa angallassissummic piginnittup akisussaaffigaa.

Tamanut angallassissutini ilaanermut piumasaqaatit

§ 7. Inunnut imm. 2-mi angallassissutinik atuisunut piumasaqaataavoq Covid-19-imut tamakkiisumik akiuussuserneqarsimanissaq, taamaattorli imm. 3 takuuk, imaluunniit

Imm. 2. Tamanut angallassissutit tamarmik imm. 1-imil ilaapput, tassunga ilanngullugit assersuutigalugu:

- 1) Silaannakkut angallassissutit nunaqarfinit § 1, imm. 1-imil taaneqartunit aallartut.
 - 2) Bussit.
 - 3) Umiarsuit inunnik angallassisartut, aalajangersimasumillu angalasartut.
- Imm. 3. Inuit tullinnguuttut imm. 1-imil piumasaqaammit ilaatinneqannngillat:*
- 1) Inuit najukkaminnut tikinniarlutik umiarsuarmik imaluunniit silaannakkut angallassissutimik angalasut.
 - 2) Inuit ilinniariartorlutik assigisaanilluunniit angalasut
 - 3) Inuit Covid-19-imut akiuussuserneqarnissaminut peqqissaavimmut qaninnerpaamut umiarsuarmik imaluunniit silaannakkut angallassissutimik angalasut.
 - 4) Inuit katsorsartinnerminnut atatillugu peqqissaavimmut qaninnerpaamut umiarsuarmik imaluunniit silaannakkut angallassissutimik angalasut.
 - 5) Inuit inuaqatigiinni suliassaqartitaasut tamanullu angallassissutinik angalasariaqalersut.
 - 6) Inuit Covid-19-imut akiuussutissamik kapitinnissamut Nunatta Nakorsaaneqarfianit nalinginnaasumik innersuunneqannngitsut.
 - 7) Inuit 17-inik ukiullit ukiukinnerusulluunniit.
 - 8) Sulisut tamanut angallassissummi pineqartumi sulisut.

§ 8. Inuk Covid-19-imut tamakkiisumik akiuussuserneqarsimasutut isigineqassaaq inuup akiuussuserneqarsimanerup ingerlarngata naammassisimaneranik upternarsaasinnaappat.

Qanermut imaluunniit kiinnamat assiaquteqarnissamut piumasaqaat

§ 9. Inuit aqqaneq-marlunniq sinnerlugillu ukiullit qanermut imaluunniit kiinnamut assiaquteqassapput:

- 1) inini kikkunnit tamanit iserfigineqarsinnaasuni isersimagunik, taamaattorli imm. 2-4 takukkit.
- 2) tamanut angallassisutini taxanilu ilaagunik, taamaattorli imm. 2-4 takukkit.

Imm. 2. Qanermut imaluunniit kiinnamut assiaquteqarnissamut piumasaqaat ilisimassutsimik annikillisimasunut, timikkut tarnikkulluunniit sanngiitsunut, allamilluunniit peqquteqarlutik qanermut kiinnamulluunniit assiaquteqarsinnaanngitsunut atuutinngilaq.

Imm. 3. Imm. 1-imi allassimasut apeqqutaatinnagit qanermut kiinnamulluunniit assiaqutit tamakkiisumik ilaannakortumilluunniit peeqqaneqarllarsinnaapput, tamanna peqqutissaqarluarpal, tassunga ilangullugu ima pisqarnerani:

- 1) Piffissami sivikitsumi nerinermi imernermlu.
- 2) Nakorsaatitornermi.
- 3) Qarngit aalaneratigut atuaasartumik oqaloqateqarnermi.
- 4) Qanermut kiinnamulluunniit assiaqutit anersaartorniarnermut ajoqutaappata ipianngulersitsippataluunniit.
- 5) Politiit kinaassutsimik uppermarsaaneranni.

Imm. 4. Niuernermi kiffartuussinermillu ingerlatsiviit qanermut kiinnamulluunniit assiaqutinik atuinatik sulisut sullitallu akornanni plastikkiusumik igalaaminermiusmilluunniit assiaqusersinnaapput.

§ 10. Qanermut assiaqutitut taaneqartut tassaapput qanermut qinngamullu assiaqutit ataasiartakkat imaluunniit annoraaminermit sanaat allunaasamillu tasisartumilluunniit siutinut ikkuttartut imaluunniit niaqqup tunuatungaani qilertartoq kiinnamullu attuumasoq.

Imm. 2. Kiinnamut assiaqutit tassaapput isinut, qanermut qinngamullu assiaqutit plastikimik sanaat kiinnamut attuumanngitsut.

Inuit pillugit paasissutissanik suliarinninnerit

§ 11. Nalunaarut una naapertorlugu inuup akiuussuserneqarsimaneranut inissisimaffia uppermarsarniarlugu inuit pillugit paasissutissanik suliarinnittoqarsinnaavoq.

Iliuuseqarnerit

§ 12. §§ 2, 7, imaluunniit 9-mik unioqqutitsisoq pinerluttulerinermik inatsit malillugu pineqaatissinneqarsinnaavoq.

Imm. 2. Ingerlatseqatigififit il.il. (inatsisilerinermi inuttut immikkoortutut isigineqartut) pinerluttulerinermik inatsimmi kapitali 5-imi malittarisassat malillugit pinerluttulerineq pillugu inatsiseqartitsinikkut akisussaatinneqarlutik pineqaatissinneqarsinnaapput.

Atuutilersitsineq, atorunnaarsitsineq piffissarlu atuuffissaq

§ 13. Nalunaarut 5. august 2021-mi nal. 20:00 atuutilissaq.

Imm. 2. Peqatigisaanik atorunnaarsinneqarpoq: Namminersorlutik Oqartussat nalunaarutaat nr. 35 juilip

30- ani 2021. Avannaata Kommuniani illoqarfinni Upernivik, Aasianni nunaqarfinnilu arlalinni 31. julimit 10. augustip tungaanut killilersuigallarnerit atuukkallarput.

Imm. 3. Nalunaarut malillugu killilersuinerit, inerteqquteqarnerit, peqqusinerit il.il. 24. august 2021 ilanngullugu atuutissapput.

Namminersorlutik Oqartussat, ulloq 5. august 2021

Kirsten Fencker
Peqqinnissamut Naalakkersuisoq

/ Aka Olesen

Namminersorlutik Oqartussat
Imaneq 4
3900 Nuuk
E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit
Namminersorlutik Oqartussat inatsisinut toqqorsiviit
Naalakkersuisut